



*Siaran*  
**AKHBAR**  
KEMENTERIAN PERTAHANAN MALAYSIA

MOD.100-2/1/2 JLD 5 (49) 01/05

**INSIDEN ADUAN KES BULI ANGGOTA TUDM YANG TULAR DI MEDIA SOSIAL**

Berikutan penularan aduan dakwaan insiden kes buli melibatkan anggota Tentera Udara Diraja Malaysia (TUDM) yang tular di media sosial, Kementerian Pertahanan Malaysia mengambil maklum berkenaan perkara tersebut.

Kementerian Pertahanan memandang serius terhadap insiden tersebut serta siasatan terperinci dan telus telah dilaksanakan dengan serta-merta. Bagi kes berkenaan, TUDM telah memberikan kerjasama sepenuhnya kepada pihak Polis Diraja Malaysia (PDRM) dan aduan tersebut, kini di dalam siasatan pihak PDRM.

Kementerian Pertahanan menegaskan bahawa TIDAK ADA KOMPROMI terhadap sebarang salah laku yang melibatkan pelanggaran disiplin, tatatertib, jenayah dan isu berkaitan perundangan seperti buli dan lain-lain yang melibatkan warga Angkatan Tentera Malaysia (ATM). Tindakan yang tegas mengikut undang-undang dan peraturan sedia ada akan diambil terhadap mana-mana pegawai dan anggota yang didapati terlibat dan didapati bersalah.

Sehubungan dengan itu, semua pihak dimohon supaya tidak membuat sebarang spekulasi agar tidak mengganggu kes yang kini dalam siasatan pihak berkuasa.

**-TAMAT-**

**“MALAYSIA MADANI”**

**“BERKHIDMAT UNTUK NEGARA”**

**“PERTAHANAN NEGARA TANGGUNGJAWAB BERSAMA”**

---

**Kementerian Pertahanan Malaysia**  
**2 Mei 2023**